

**Nunatsinni piniartut aalisartullu piniakkanut aalisakkanullu ilisimasaasa
katersorneqartalernissaaat ilisimasaallu ilisimatusarnikkut atorpeqarlutillu
nalilersuutaasarnissaat siunertaralugu Pinngortitaleriffik pillugu inatsisartut
inatsisissaata nutarterneqarnissaannik Naalakkersuisut peqquneqassasut Inatsisartut
aaliangiiffigisassaattut suinnersuussut. Inatsit nutartigaq UPA2025-mi
saqqummiunneqassaaq**

Inatsisartunut ilaasortamit, Mikivsuk Thomassen, Inuit Ataqtigiit, saqqummiunneqartoq

pillugu

Aalisarnermut, Piniarnermut Nunalerinermullu Ataatsimiititaliap

siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap suliarinninnermini ilaasortarai:

Inatsisartunut ilaasortaq Kristian Jeremiassen, Inuit Ataqtigiit, siulittaasoq

Inatsisartunut ilaasortaq Jens Napâtôk', Naleraq, siulittaasup tullia

Inatsisartunut ilaasortaq Harald Bianco, Inuit Ataqtigiit

Inatsisartunut ilaasortaq Mikivsuk Thomassen, Inuit Ataqtigiit

Inatsisartunut ilaasortaq Jens Kristian Therkelsen, Siumut

Inatsisartunut ilaasortaq Karl Tobiassen, Siumut

Inatsisartunut ilaasortaq Jens Frederik Nielsen, Demokraatit

UPA2024-mi ulloq 7. maj siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Atuisut, piniartut aalisartullu ilisimasaasa Pinngortitaleriffimmi ilisimatusarnikkut atorpeqarlutillu nalilersuutaasarnissaa qulakkeernissaa siunnersuummi siunertarinearpoq. Tamanna inatsimmik atuuttumik nutartereqqullugit Naalakkersuisut peqquneqarnerisigut pissaaq, taamaaliornikkut kingornussatut ilisimasat ilisimasallu nutaaliaasut ataatsimoortinnerisigut ilisimasat pitsaanerulerseqqullugit.

2. Siunnersuutip Inatsisartunit siullermeerneqarnera

Siunnersuutip Inatsisartunit siullermeerneqarneranut allannguutissatut siunnersuut matuma kingulianiittoq Naalackersuisunit saqqummiunneqarpoq:

” Pinnortitaleriffiup sulinerani piniakkat aalisakkallu pillugit piniartut aalisartullu ilisimasaannik akuutitsisarnerup annertusineqarnissaanut siunnersuusiornissaq siunertaralugu 1. april 2025 nallertinnagu Naalackersuisut Pinnortitaleriffimmi Ilisimatusarnermi Siunnersuisarnermut Ataatsimiititaliamut siunnersuusiornissaanik peqquneqarnissaannut siunnersuut.”

Siullermeerinninnermi atuisut piniartullu ilisimasaasa akuutinneqarnissaat pillugu siunnersuutikkut siunertarineqartoq ataatsimut isigalugu taparserneqarpoq.

3. Ataatsimiititaliap siunnersuummik suliarinninnera

Naalackersuisut siullermeerinninnermi paasissutissiissutigaat Pinnortitaleriffik ilaatigut atuisut piniartullu ilisimasaannik atuereersoq, assersuutigalugu apersuinerit atorlugit misissuinikkut, oqaloqatigiilluni ataatsimiinnikkut, suliniutit kisitsinerillu sumiiffinni suleqatigiissutiginerisigut. Tamatuma saniatigut aalisartut piniartullu assersuutigalugu Aalisarnej pillugu Siunnersuisoqatigiit aammalu Piniarnermut Siunnersuisoqatigiit aqputigalugit, aammattaaq KNAPK-p Pinnortitaleriffimmi siulersuisunut ilaaneratigut kiisalu oqallittarfiit allat aqputigalugit peqataatinneqarput.

Atuisut ilisimasaannik akuutitsinermi isiginiagassat assigiinngitsut siullermeerinninnermi saqqummiunneqartut ataatsimiititaliamit maluginiarneqarpoq, taakkunungalugu ilaallutik atuisut ilisimasaannik annertunerusumik atuilernerup pisassiissutit tunniunneqartartut amerlinerannik nassataqarsinnaanera, teknikikkut iluaqusersuutit soorlu appit qanoq atorneqarsinnaanerat kiisalu silap pissusaanut tunngasut qanoq sunniuteqarsinnaanerat.

Ilisimasanik pitsaasunik, isumalluutit uumassusillit ilisimatusarfigineqarneranni aqutsivigineqarnerannilu atorneqarsinnaasunik aammalu aalisartunut piniartunullu atugassarititaasut sapinngisamik pitsaanerpaamik nukittorsaavigalugillu attanneqarnissaannut peqataaqataasinnaasunik, pilersitsisoqarnissaa ataatsimiititaliamit pingaartutut isigineqarpoq.

Aalisartut piniartullu annertunerusumik akuutinneqaqqullugit Naalackersuisut ataatsimiititaliamit kaammattorneqarput, taamaalilluni atuisut ilisimasaat aqutsinermi ilisimatusarnermilu ilanngunneqarsinnaaqqullugit. Ilaatigut kisitsinernut atatillugu atuisut ilisimasaannik annertunerusumik atuneq ingerlanneqassaaq, tamatumani soorlu ukiup qanoq ilinera sikusarneralu eqqarsaatigalugit sumiiffinni silap pissusiata sunniutaasa tamakkiisumik takussutissiornissaat aamma eqqumaffigineqassalluni. Tamatuma saniatigut aalisartut piniartullu misilittagaat aammalu dronit, appit atortullu allat atorlugit immiussa

paasissutissanik katersinermi atorneqartalernissaannik suliniutinik Naalackersuisut aallartitsinissaat ataatsimiititaliamit kissaatigineqarpoq.

4. Siunnersuutip aningaasaqarnikkut kingunerisassai

Aalajangiiffigisassatut siunnersuutip piviusunnngortinneqarnerani aningaasaqarnikkut allaffis-sornikkullu kingunerisassat siunnersuutip tunngavilersuutitaani nassuiaatigineqartassasut Inatsisartut suleriaasianni § 33, imm. 1-imi allassimavoq.

Tamanna naapertorlugu siunnersuutit piviusunnngortinneqarneranni aningaasaqarnikkut kingunerisassat siunnersuummi taamaalilluni allassimasut ataatsimiititaliamit maluginiarneqarpoq, taamaalilluni pisortanut aningaasaqarnikkut kingunerisassai AC-fuldmægtigit ukioq naallugu sulisorisap assigissallugit, 500.000 kr.-it missaasa nalingat.

5. Ataatsimiititaliap inassuteqaatai

Naalackersuisut allannguutissatut siunnersuutaat akuerineqassasoq **ataatsimiititaliami amerlanerussuteqartut** Inuit Ataqatigiinneersut, Siumumeersut Demokratineersullu inassutigaat.

Ataatsimiititaliap taama oqaaseqaateqarluni isumaliutissiisummilu allassimasutut paasinnil-
luni siunnersuut aappassaaniigassanngortippaa.

Kristian Jeremiassen
Siulittaasoq

Jens Napātók’
Siulittaasup tullia

Harald Bianco

Mikivsus Thomassen

Jens Kristian Therkelsen

Karl Tobiassen

Jens-Frederik Nielsen